

17.25 CUNTRASTS SIN SRF 1

Ina noviza, dus novizs ed ina finamira – la regenza



Partids eran els en trais per conquistar in sez en la regenza grischuna: Il Mister Corona Martin Bühler, la presidenta communal ed unica dunna Carmelia Maissen ed il president communal da Trimmis, Roman Hug dal PPS sco sfidader. La dumengia passada ha il suveran grischun dentant decidì da vulair laschar finir mo a dus dad els la cursa cun success. Fertant che Martin Bühler ha defendì il sez da la PLD cun in resultat da pompa e che Carmelia Maissen da l'AdC ha fatg flucs cun la bastiun masculina en la regenza grischuna, n'han las Grischunas ed ils Grischuns betg sa laschè persvader d'ina regenza cun il PPS e ses candidat Roman Hug. Ils resultats èn clers. La via tar quels è stada lunga ed intensiva – cunzunt per ils dus novizs e la noviza. Per ils «Cuntrasts» han els trais laschè dar ad Isabelle Jaeger in cuc sur lur spatlas, en il mund dal cumbat electoral.